

ՆԱՄԱԿ ԱՂՔԱՏՆԵՐՈՒ

ՄԽԻԹԱՐՈՒԹԵԱՆ ՄԱՍԻՆ

Արդ՝ դուն որ չփառ ես եւ աղփատ, ի՞նչու Աստուծոյ մասին անդադար բաներ կ'ըսես: Աստուած իրեն պատկանող որեւէ բանէ զրկե՞ց քեզ: Եղբայրներու նման հարուստին եւ աղփատին հաւասարաբէս չբաժնե՞ց նոյն աչքերը, նոյն ձեռքերը եւ նոյն ոտքերը: Հաւասարապէս կը վայելենք արեւը, օդը եւ անձրեւը: Բոլորս ալ յառաջ եկած ենք հողէն եւ Ադամէն: Բոլորին համար կայ միայն մէկ մկրտութիւն, մէկ շնորհք, մէկ մարմին եւ արիւն Քրիստոսի: Բոլորիս համար կայ մէկ երկիր, մէկ երկիրն է մէկ տիեզերական նիւթ: Ահաւասիկ աստե՛ք են Աստուծոյ բարիքները, որ Ան հաւասարապէս տուաւ թէ՛ աղփատին եւ թէ՛ գորաւորին: Ուրեմն ի՞նչ բանէ զրկեց քեզ եւ կողմակալութիւն ըրաւ ի նպաստ հարուստներու: Գիտե՛մ որ այս մասին ոչինչ ունիս ըսելիք, այսուհանդերձ կ'ըսես. «Ո՞րքէ անոր այսքան հարստութիւն»: Լաւ հասկցիր: Աստուած չէ որ իրեն բերաւ, ցոյց տուաւ կամ շնորհեց այդ հարստութիւնը եւ քեզ զրկեց: Ոմանց հարստութիւնը գոյացաւ ազատութեամբ, ոմանցը՝ յարատեւ աշխատանքով, իսկ այլոցը՝ հորեմական ժառանգութեամբ:

(Չառեք՝ Յովհանն Մանդակունի)

ԵՐԵՔՇԱԲԹԻ ԳԻՇԵՐՈՒՄՆ ՍՈՒՐԲ ՊԱՏԱՐԱԳ

Կազմակերպութեամբ Կրօնական Ժողովին եւ Ազգային Առաջնորդարանի Երիտասարդական Յանձնախումբին, Երեքշաբթի, 30 Ապրիլ 2019-էն սկսեալ եւ ամէն Երեքշաբթի գիշեր, ժամը 7:00-8:00, Պուրճ Համուտի Ս. Վարդանանց Եկեղեցոյ մէջ պիտի մատուցուի սուրբ պատարագ:

Սուրբ պատարագը պիտի երգէ հաւատացեալ ժողովուրդը: Սուրբ պատարագի ընթացքին, հոգեւոր խորհրդածութիւն պիտի կատարէ Լիբանանի Հայոց Առաջնորդ՝ Գերշ. Տ. Նարեկ Արքեպիսկոպոս:

Այս սուրբ պատարագին նպատակն է առիթ տալ մեր այն հայորդիներուն, որոնք Կիրակիի կողքին, շաբթուան ընթացքին եւս կը փափաքին Հայ Եկեղեցոյ հոգեւոր սնունդը ստանալ: Կը հրաւիրենք մեր ժողովուրդի զաւակները իրենց ամենօրեայ հեւքին մէջ պահ մը կանգ առնելու եւ աղօթքով Աստուծոյ ու իրարու հետ ըլլալու:

Սիրելի ընթերցող, ճՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարդալու կամ անդամագրուելու համար:

ՀԱՍՑԷ.

ՃՐԱԳ ԸՐԱԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 - Tel/Fax:01-258300 - facebook-ի էջ jerak Ծրագր թերթ



ՔՈՒ ԽՕՍՔԻ ԽՄ ՈՅԹԵՐՈՒՄ ԶՐԱԳ Է ՈՒ ԽՄ ՇԱԽՂՆԵՐՈՒՄ ԼՈՅՍ (Ս. 119-105)

ԺԲ. ՏԱՐԻ ԿԻՐԱԿԻ, 28 ՅՈՒԼԻՍ 2019 ԹԻՒ 30

ԿԻՐԱԿԻ ՕՐԵՐՈՒ ԱՍՏՈՒԾԱԸՆԴԱԿԱՆ ԸՆԹԵՐՅՈՒՄՆԵՐ Իմաստ. 7.25-8.4:Ձք. 14.16-21: Ա. Յհ. 1.1-7: ՅԻՍՈՒՍ ԶՐԻՍՏՈՍԻ ԱՒԵՏԱՐԱՆԸ ԸՍՏ ՄԱՏԹԷՈՍԻ 16.13-17.13

ՎԱՐԴԱՎԱՌ՝ ՏՕՆ ԱՅԼԱԿԵՐՊՈՒԹԵԱՆ ՏԵԱՌՆ ՄԵՐՈՅ ՅԻՍՈՒՍԻ ՔՐԻՍՏՈՍԻ

Ապա Յիսուս իր աշակերտներուն ըսաւ. «Եթէ մէկը ուզէ ինձի հետեւիլ՝ թող ուրանայ իր անձը, առնէ իր խաչը եւ ետեւէս գայ: Որովհետեւ ով, որ ուզէ իր անձը փրկել՝ պիտի կորսնցնէ զայն եւ ով, որ ինձի համար կորսնցնէ իր անձը՝ պիտի գտնէ զայն: Ի՞նչ օգուտ, երբ մէկը ամբողջ աշխարհը շահի, բայց իր կեանքը կորսնցնէ, որովհետեւ որեւէ բանով չի կրնար իր կեանքը ետ առնել: Արդարեւ, երբ մարդու Որդին գայ իր Հօր փառքով իր հրեշտակներուն հետ, իւրաքանչիւրին իր գործերուն համաձայն հատուցում պիտի կատարէ: Վստահ եղէք, որ հոս գտնուողներէն ոմանք պիտի չմեռնին՝ մինչեւ տեսնեն մարդու Որդին որ կու գայ իր թագաւորութեամբ»:

Վեց օր ետք, Յիսուս իր հետ առաւ Պետրոսը, Յակոբոս եւ Յովհաննէս եղբայրները եւ գանոնք բարձր լեռ մը հանեց, ուր առանձին էին: Հոն այլակերպեցաւ անոնց դիմաց, իր դէմքը արեւու նման լուսաւոր դարձաւ եւ հագուստները լոյսի նման ճերմակ եղան: Եւ ահա երեւցաւ Մովսէսն ու Եղիան, որոնք կը խօսէին Յիսուսի հետ:

Պետրոս ըսաւ Յիսուսի. «Տէ՛ր, ի՞նչ լաւ է հոս: Եթէ կ'ուզես երեք վրաններ շինենք, մէկը քեզի, մէկը Մովսէսի եւ միւսը Եղիայի համար»: Մինչ Պետրոս կը խօսէր, ահա լուսաւոր ամպ մը ծածկեց գիրենք: Ամպին մէջէն ձայն մը լսուեցաւ, որ կ'ըսէր. «Այս է իմ սիրելի Որդիս որ հաւնեցայ: Անոր մտիկ ըրէ՛ք»: Երբ աշակերտները լսեցին ասիկա, սարսափահար երեսի վրայ գետին ինկան: Յիսուս մօտենալով դպաւ անոնց եւ ըսաւ. «Ոտքի ելէ՛ք, մի՛ վախճաք»: Աշակերտները իրենց աչքերը վեր բարձրացուցին եւ Յիսուսէ գատ մարդ չտեսան:

Եւ մինչ լեռնէն վար կ'իջնէին, Յիսուս պատուիրեց անոնց, ըսելով. «Մինչեւ որ մարդու Որդին մեռնենք յարուցիւն չառնէ, ձեր տեսածը ոեւէ մէկուն մի՛ պատմէք»: Այն ատեն աշակերտները հարցուցին Յիսուսի. «Հապա ինչո՞ւ Օրէնքի ուսուցիչները կ'ըսեն, թէ՛ նախ Եղիան պէտք է գայ»:

Յիսուս պատասխանեց. «Ճի՛շդ է, Եղիան նախ գալով՝ պիտի պատրաստէ ամէն ինչ: Բայց գիտցէք, որ Եղիան արդէն իսկ եկած է, սակայն մարդիկ զայն չճանչցան եւ անոր հետ վարուեցան ինչպէս որ ուզեցին: Նոյնպէս ալ մարդու Որդին պիտի չարչարուի անոնց կողմէ»: Այն ատեն աշակերտները հասկցան, թէ՛ Յովհաննէս Մկրտիչի մասին կը խօսէր ան:

**ՄԱՐԳԱՐԵԱԿԱՆ ԳԻՐՔԵՐ**  
**ՊՕՂՈՍ ԱՌԱՔԵԱԼԻ ՆԱՄԱԿՆԵՐ**

**ԶԱՔԱՐԻՍ ՄԱՐԳԱՐԵԻ ԳԻՐՔԵՆ**  
**14.16-21**

Այն ատեն, Երուսաղեմի վրայ արշա-  
ւած բոլոր ազգերու մնացորդները տա-  
րիէ տարի Երուսաղեմ պիտի գան երկըր-  
պագելու Թագաւորին, ամենակալ Տէր  
Աստուծոյ եւ Տաղաւարահարաց տօնը  
կատարելու:

Այն ժողովուրդը, որ մերժէ Երուսա-  
ղեմ գալ երկրպագելու Թագաւորին,  
ամենակալ Տէր Աստուծոյ, անիկա  
անձրեւ պիտի չունենայ իր երկրին  
վրայ:

Եթէ Եգիպտոսի ժողովուրդը չելլէ ու  
չգայ, պիտի ենթարկուի նոյն հարու-  
ծին, որով Տէրը պիտի պատուհասէ այն  
ժողովուրդները՝ որոնք Տաղաւարահա-  
րաց տօնը կատարելու չեն գար:

Եւ պատուհասը, որ եգիպտացիներուն  
վրայ պիտի գայ, պիտի գայ նաեւ  
բոլոր այն ժողովուրդներուն վրայ, ո-  
րոնք Տաղաւարահարաց տօնը կատա-  
րելու չեն գար:

Այն օրը նոյնիսկ ձիերու սանձին վը-  
րայ գրուած պիտի ըլլայ. *«Տիրոջ համար  
սրբագործուած»*. Աստուծոյ տան կաթ-  
սաններն իսկ սուրբ պիտի համարուին  
գոհասեղանին վրայ դրուած տաշտերուն  
մման, ու Երուսաղեմի եւ Հրէաստանի  
մէջ գտնուող ամէն կաթսայ ամենակալ  
Տիրոջ անունով նուիրագործուած պիտի  
ըլլայ: Այնպէս որ բոլոր անոնք, որ գոհ  
մատուցանելու կու գան պիտի առնեն  
գանոնք եւ անոնց մէջ եփեն իրենց մա-  
տաղը: Եւ այն օրը Աստուծոյ տան մէջ  
ոնեւ վանառորդ պիտի չգտնուի:

**Շարունակել Աստուածաշունչէն**

**ՅՈՎՀԱՆՆԷՍ ԱՌԱՔԵԱԼԻ ԸՆԴՀԱՆՐԱԿԱՆ**  
**ԱՌԱՋԻՆ ՆԱՄԱԿԸ**  
**1.1-7**

Մենք լսեցինք, մեր աչքերով տե-  
սանք եւ մեր ձեռքերով շօշափեցինք  
Որդին, Բանը՝ որ սկիզբէն իսկ կեանքի  
ստեղծիչն էր: Անիկա նոյնիման  
կեանքն էր, որ յայտնուեցաւ: Մենք  
տեսանք եւ կը վկայենք, ձեզի պատ-  
մելով անոր մասին, որ Հօրը հետ էր  
եւ այժմ մեզի յայտնուեցաւ: Ինչ որ  
տեսանք ու լսեցինք կը պատմենք ձե-  
զի, որպէսզի դուք ալ մասնակից  
դառնաք այն հաղորդակցութեան, որ  
մենք ունինք Հօրը եւ անոր Որդւոյն  
Յիսուս Քրիստոսի հետ եւ ձեր ու-  
րախութիւնը կատարեալ ըլլայ: Ահա  
թէ ինչու կը գրենք ձեզի այս նամակը:

Պատգամը որ իրմէ լսեցինք եւ ձե-  
զի կը փոխանցենք սա է, թէ Աստուած  
լոյս է, բնաւ խաւար չկայ անոր մէջ:  
Արդ, եթէ ըսենք *«հաղորդակից ենք  
իրեն»* եւ միւս կողմէ շարունակենք  
խաւարի մէջ ապրիլ, կը ստենք ահա եւ  
նշմարտութեան դէմ կը գործենք: Իսկ  
եթէ Աստուծոյ լոյսին մէջ բայենք,  
ինչպէս ինք լոյսի մէջ է, այն ատեն  
նշմարտապէս հաղորդակից կ'ըլլանք  
իրարու, եւ իր Որդւոյն Յիսուսի ա-  
րիւնը կը սրբէ մեզ ամէն մեղքէ:

**ՇԱՐՈՒՆԱԿԵԼ**  
**ԸՆԹԵՐՑՄԱՆՈՒԹԻՒՆԸ**  
**ՄՍՏՈՒՄԾՄՇՈՒՄԸ**

**ՍՈՒՐԲԵՐ ԵՒ ՏՕՆԵՐ**

**ՏՕՆ ԱՅԼԱԿԵՐՊՈՒԹԵԱՆ**  
**ՎԱՐՂԱՎԱՐ**

Վարդավառը ժողովրդական այն  
անունն է, որ կը տրուի Հայաստան-  
եայց եկեղեցւոյ հինգ գլխաւոր տօ-  
ներէն «Այլակերպութիւն» կոչուող  
տաղաւարին: Այս նոյն տօնին կը վե-  
րագրուի նաեւ երրորդ կոչում մը, որն  
է «Պայծառակերպութիւն»:

Պայծառակերպութեան տօնը, ամէն  
Տէրունական տօներու մման, կը վերա-  
բերի Յիսուսի կեանքէն յատուկ  
դրուագի մը, Անոր փառաւոր ու լու-  
սաւոր կերպով երեւնալուն երեք  
առաքելներուն՝ Պետրոսի, Յովհան-  
նէսի եւ Յակոբոսի, Գալիլիոյ սուրբ  
լերան վրայ: Ահա թէ ինչ ձեւով կը  
ներկայացուի մեր Տիրոջ Յիսուս Քրիս-  
տոսի Այլակերպութեան դրուագը  
Մատթէոսի աւետարանին մէջ.

«Վեց օր ետք, Յիսուս իր հետ առաւ  
Պետրոսը, Յակոբոս եւ Յովհաննէս եղ-  
բայրները եւ գանոնք բարձր լեռ մը հա-  
նեց, ուր առանձին էին: Հոն այլակեր-  
պեցաւ անոնց դիմաց. իր դէմքը  
արեւու մման լուսաւոր դարձաւ եւ հա-  
գուստները լոյսի մման ներմակ եղան:

Եւ ահա երեւցան Մովսէսն ու Եղ-  
իան, որոնք կը խօսէին Յիսուսի հետ:  
Պետրոս ըսաւ Յիսուսի.

- Տէ՛ր, ի՛նչ լաւ է հոս. եթէ կ'ու-  
զես, երեք վրաններ շինենք, մէկը  
քեզի, մէկը Մովսէսին եւ միւսը Եղ-  
իային համար:

Մինչ Պետրոս կը խօսէր, ահա լու-  
սաւոր ամպ մը ծածկեց գիրենք.  
ամպին մէջէն ձայն մը լսուեցաւ, որ  
կ'ըսէր.

- Այս է իմ սիրելի Որդիս, որուն ես  
հանեցայ, անոր մտիկ ըրէ՛ք» (Մտ 17.1-6):

Վարդավառի կամ Այլակերպու-  
թեան տօնին վերաբերող ամենէն  
աւելի ժողովրդականութիւն ունեցող  
աւանդութիւնն է ջրախաղեր կատա-  
րելու աւանդութիւնը:

Կ'ըսուի, թէ Վարդավառի տօնա-  
կատարութեան ընթացքին մանուկներ,  
ծերեր, այրեր ու կիներ տուներու մէջ,  
փողոցները, դաշտերը, գետերու ա-  
փին, աղբիւրներուն եւ առուներուն  
մօտ կուծերով իրարու վրայ ջուր կը  
թափեն եւ զիրար ջուրերուն մէջ կը  
մխրանեն. այս աւանդութիւնը Նոյի ժա-  
մանակներէն մնացած է Հայաստան  
աշխարհի մէջ:

*Աւանդապատում*

**ԱՌԱՒՕՏԵԱՆ ԱՂՕԹՔ**  
**ՕԳՆՈՒԹԵԱՆ ՀԱՄԱՐ (ՍԱՂՄՈՍ 3)**

Տէ՛ր, ինչքան շատ են զիս նեղող-  
ները, ինչքան շատ են ինձի դէմ ելող-  
ները: Շատերը ինձի համար կ'ըսեն.  
«Անկարելի է, որ Աստուած զինք  
փրկէ»: Բայց դուն ո՛վ Տէր, դո՛ւն ես  
պաշտպան վահանս, դո՛ւն ես փառքս,  
գլուխս բարձր պահողը: Ամբողջ ձայ-  
նով Տիրոջ աղաղակեցի եւ իր սուրբ  
լեռնէն պատասխան տուաւ ինձի: Ես կը  
պառկիմ, կը բնանամ վստահ, որ գի-  
շերն ամբողջ Տէրը զիս կը պահպանէ:  
Ուստի բնա՛ւ չեմ վախնար բիւրաւոր  
այն մարդոցմէ, որոնք ամէն կողմէ զիս  
կը պաշարեն: Ե՛լ, ո՛վ Տէր, փրկէ՛ զիս,  
ո՛վ իմ Աստուածս, ապտակ մը տո՛ւր  
թշմամիներուս, փրկէ՛ ամբարիշտ-  
ներուն ակոսները: Փրկութիւն դո՛ւն  
կու տաս, Տէ՛ր, թող օրհնութիւնդ  
ժողովուրդիդ վրայ ըլլայ: